



# **BARAZA LA WAWAKILISHI – ZANZIBAR**

## **ORODHA YA SHUGHULI ZA LEO**

### **BARAZA LA TISA LA WAWAKILISHI**

#### **MKUTANO WA PILI**

**Kikao cha Kumi na Sita – Tarehe 10 Juni, 2016.**

Kikao Kitaanza Saa 3.00 (Tatu) Asubuhi  
na Dua zitasomwa.

#### **I. HATI ZA KUWASILISHA MEZANI:**

##### **Waziri wa Elimu na Mafunzo ya Amali:**

Hotuba ya Makadirio ya Mapato na Matumizi ya Wizara ya Elimu na Mafunzo ya Amali kwa Mwaka 2016/2017.

##### **Mwenyekiti, Kamati ya Maendeleo ya Wanawake na Ustawi wa Jamii:**

Hotuba ya maoni ya Kamati ya Maendeleo ya Wanawake na Ustawi wa Jamii kuhusu Hotuba ya Makadirio ya Mapato na Matumizi ya Wizara ya Elimu na Mafunzo ya Amali kwa Mwaka 2016/2017.

## II. MASWALI:

### WIZARA YA ARDHI, MAJI, NISHATI NA MAZINGIRA:

71. MHESHIMIWA MOHAMMED SAID MOHAMMED DIMWA (Jimbo la Mpendae) – Atamuuliza Mheshimiwa Waziri wa Ardhi, Maji, Nishati na Mazingira:

Shirika la Umeme katika eneo la Tomondo maduka saba kuna laini kubwa ya umeme imepita kwenye minazi na karibu ya hapo kuna skuli ya Msingi na maeneo wanayoishi watu.

Je, ni sababu gani zinazopelekea Shirika kushindwa kukata minazi hiyo.

### WIZARA YA ELIMU NA MAFUNZO YA AMALI:

124. MHESHIMIWA MUSSA FOUM MUSSA (Jimbo la Kiwani) - Atamuuliza Mheshimiwa Waziri wa Elimu na Mafunzo ya Amali:

Katika kipindi kirefu sasa Skuli ya Mwambe imekuwa ikikabiliwa na upungufu mkubwa wa walimu, kwa mfano skuli ya msingi ina wanafunzi 2321, madarasa 33 lakini walimu waliopo ni 29 tu.

a) Serikali inafahamu jambo hilo.

b) Serikali itachukua hatua gani ili kuziba pengo hilo la walimu na vyumba vya madarasa.

134. MHESHIMIWA ABDALLA MAULID DIWANI (Jimbo la Jang'ombe) –Atamuuliza Mheshimiwa Waziri wa Elimu na Mafunzo ya Amali:

Kwa kuwa Zanzibar ni miongoni mwa Nchi inayounda Jamhuri ya Muungano wa Tanzania ambayo fedha yake inayotumia ni shilingi. Na kwa kuwa Zanzibar inazo Sheria na Sera zake za elimu zenye lengo la kurahisisha upatikanaji wa elimu kuanzia elimu ya Msingi hadi Vyuo Vikuu.

Je, Serikali haioni kuwa kuridhia baadhi ya vyuo vikuu vya Zanzibar ikiwa ni pamoja na Chuo Kikuu cha Zanzibar kulipia ada (*fee*) kwa kutumia fedha za kigeni (*Dola*) ni

kuidharau pesa yetu na kuwazidishia gharama Wazanzibari wanaosoma katika vyuo hivyo.

**WIZARA YA AFYA:**

26. MHESHIMIWA JAKU HASHIM AYOUB (Jimbo la Paje) -  
Atamuuliza Mheshimiwa Waziri wa Afya:

Huduma ya upasuaji katika hospitali Kuu ya Mnazi Mmoja zinahitaji kufanyika baada ya kuwepo umeme wa kawaida na Generator ya umeme wa dharura inayofanya kazi .

- a) Kwa nini Generator ya akiba katika hospitali hiyo haifanyi kazi kwa muda mrefu na kuathiri taratibu za huduma za upasuaji.
- b) Kitendo cha kufanyika huduma za upasuaji bila ya kuwepo umeme wa dharura inaruhusiwa kwa mujibu wa taratibu za matibabu na kama hairuhusiwi kwanini Generator hiyo inashindwa kutengenezwa.
- c) Generator hiyo baada ya kuharibika inahitaji kiasi gani cha fedha kwa ajili ya matengenezo hayo.

**WIZARA YA HABARI, UTALII, UTAMADUNI NA MICHEZO:**

123. MHESHIMIWA MUSSA FOUM MUSSA (Jimbo la Kiwani):  
Atamuuliza Mheshimiwa Waziri wa Habari, Utalii, Utamaduni na Michezo:

Serikali ya Mapinduzi ya Zanzibar kupitia Kamisheni ya Utalii imejitangaza katika masoko mapya ya huko China na India kwa Kamisheni hiyo kufungua Ofisi ya Uwakala huko Mumbai, India kwa lengo la kuimarisha utalii.

- a) Je Mhe. Waziri tangu kufanya hivyo ni faida gani iliyopatikana ikiwa ni pamoja na kiasi cha fedha kilichopatikana.
- b) Ni kiasi gani cha fedha kinachotumika katika kugharamia Ofisi hiyo.

**WIZARA YA UJENZI, MAWASILIANO NA USAFIRISHAJI:**

75. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Ujenzi, Mawasiliano na Usafirishaji:

Miji ya Mkoani na Wete Pemba inaunganishwa na eneo la Michakaeni, eneo ambalo hivi sasa lina harakati kubwa za magari na ujenzi wa nyumba za kuishi suala ambalo linapelekea barabara ya sehemu hiyo kuharibika mara kwa mara.

Je, kwa nini Serikali isifikirie mbadala wa kutafuta kiunganishi chengine cha miji ya Mkoani na Wete kwa kuitengeneza barabara ya Wawi – Uwanja wa Ndege Pemba ili iweze kutumika pale dharura itakapotokea.

101. MHESHIMIWA YUSSUF HASSAN IDDI (Jimbo la Fuoni) - Atamuuliza Mheshimiwa Waziri wa Ujenzi, Mawasiliano na Usafirishaji:

Naipongeza sana Serikali kwa kuamua kujenga barabara ya Fuoni.

- a) Je, barabara hiyo kwa awamu ya kwanza inategemewa kumaliza lini.
- b) Je, Serikali haioni kuwa kuwekwa kwa kalvati (*culvert*) eneo la Fuoni kiembeni mkabala na Msikiti wa Ijumaa ni kuwapelekea wananchi wa eneo hilo mafuriko wakati wa mvua.
- c) Je, kwanini usijengwe mtaro maalum wa kupeleka maji hayo ya mvua bonde la Kibonde Mzungu kuliko kuyaacha maji hayo kuathiri makaazi ya wananchi wetu.

**III. HOJA ZA SERIKALI:**

**Waziri wa Elimu na Mafunzo ya Amali:**

Kwamba Baraza hili liingie katika Kamati ili kujadili Makusudio na Shabaha zilizomo katika Makadirio ya Mapato na Matumizi ya Wizara ya Elimu na Mafunzo ya Amali kwa Mwaka 2016/2017.